

մանական աշխարհում չափերի է, որ մանկական հեղինակ է.

Եօհաննա Սպիրին գլխաւորապէս

Բար.

Տէր-Գրիգորեանց, Գրիգոր, բժշկապետ (Թիֆլիսեցի)։—ՇԱՆՐԱՄԱՏ-
ՁԵԼԻ ԲԺՇԿԱՐԱՆ։ Առողջապահութեան և բժշկականութեան հան-
րամատչելի գրույցներ։ Հասոր առաջին, տետրակ առաջին։ Թիֆլիս,
ապ. Տ. Նազարեանցի 1891 թ.։ Մեծադիր, 106 էրես, տառ № 10,
գինն է 70 կոպէկ։

Թերևս երկար թէր սպասելը, մինչև որ ներկալ գրքի մասին գրէր մանրամասն քննադատութիւն մա-
նագիտական տեսակէտից. մինչդեռ
պ. Տէր-Գրիգորեանցի այս հրատա-
րակութիւնը ամենալն իրաւունքով
կարող է պահանջել հասարակութեան
և մամուլի ուշադրութիւնը իւր վերալ
հէնց իւր երևան գալուն պէս։ Պ Ն
Տէր-Գրիգորեանցի «Հանրամատչելի
բժշկարան» մի սովորական գրքի
հրատարակութիւն չէ, ալ մի ամ-
բողջ ձեռնարկութիւն է ու մի երևութ
մեր աղքատիկ գրականութեան մէջ.
Դատեցէք միայն սորանով, որ ներ-
կալ գիրքը սկիզբն է հրատարակու-
թիւնների մի ամբողջ շարքի, որոնք
միասին պէտք է կազմեն մեծադիր
և մանրատառ տպած 720 էրեսներ։

Աշխատասիրողը հետևեալ կերպ
է որոշում իւր հրատարակութեան
նպատակը և բնաւորութիւնը՝ «Հան-
րամատչելի բժշկարան ասելով, մենք
հասկանում ենք ոչ թէ հիւանդու-
թիւնների բժշկելու մի սողովածու,
որ իւրաքանչիւր հիւանդութիւն
բժշկելու համար առաջարկում է այս
կամ այն խորհուրդը, այս կամ այն

ղեղերը. այդ անունով ընդունում
ենք (?) մի հանրամատչելի ձեռնարկ,
որ ծանօթացնում է ընթերցողին
բժշկականութեան և առողջապահու-
թեան արմեան ուղղութեան հետ,
պարզում, բացատրում է հիւանդու-
թիւնների ծագման և տարածման
պատճառները և հիւանդութիւնների
առաջն առնելու համար նպատակա-
ւարմար միջոցներ է առաջարկում,
սովորեցնում է ընթերցողին՝
իւրաքանչիւր հիւան-
դութեանը գիտակցաբար վե-
րաբերել (երես 9—10)։

Գիրքը, որպէս ասած է երես
9, «ամփոփելով իւր մէջ բժշկա-
կան և առողջապահական գիտու-
թիւնների սկզբունքները՝ կարող է
ուղեցուց լինել իւրաքանչիւր զար-
գացած մարդուն՝ գիտակցաբար
ըմբռնելու առողջապահական և բժշ-
կական հարցերը»։

Գրքից վերցրած այս քաղաճը-
ներով միանգամայն որոշում է այս
հրատարակութեան բնաւորութիւնը և
նպատակը. ներկալ առաջին տետ-
րակի ընթերցումը մեղ համոզում է
որ աշխատասիրողը բարևիղճաբար

պահպանել է ալն սահմանները, որոնցից դուրս գալը կը լինէր շեղումն իւր առաջադրած նպատակից: Մենք ուզում ենք ամենից առաջ չեչտել որ պ. Տէր-Գրիգորեանցի «Հանրամատչելի բժշկարանը» ոչ թէ ժողովրդական ընթերցանութեան համար է, այլ միմիայն զարգացածների համար է, և որ նա ոչ թէ մեզ զեղատոմսեր է առաջարկում ամեն տեսակ հիւանդութիւններ ալք գրքով բժշկելու համար, այլ մեզ նախապատրաստութիւն է տալիս՝ դէպի հիւանդութիւնները գիտակցաբար վերաբերւելու: Այս երկու պայմանները բարեխղճօրէն պահպանւած են աշխատասիրողի կողմից:

Ընդհանրապէս ժողովրդի համար նշանակւած չը լինելով, այլ միայն զարգացածների համար, այս հրատարակութիւնը ալնուամենայնիւ կողմնակի կերպով ժողովրդական մեծ խաւերին է ծառայում, քանի որ բոլոր զարգացած ընթերցողներին նա դարձնում է ազնետներ՝ առողջապահական և բժշկական խելացի հաշտեցներ տարածելու համար իրանց շրջապատող ընտանիքների մէջ:

Իւր նպատակին հասած լինելու համար, մնում է միայն որ ալս հրատարակութիւնը գրւած լինի ալնպիսի լեզուով և տպագրւած լինի ալնպէս, որ գոնէ զարգացածները ախորժութեամբ կարդան: Եւ ահա ալք նկատմամբ մենք ունենք մի քանի ծանր նկատողութիւններ անելու, որովհետեւ, մեր կարծիքով, եթէ չաջորդ գրքերը ալն պակասութիւններից զերծ չը մնան, հրատարակու-

թիւնը կարող է նոյն իսկ վտանգի ենթարկւել չաջորդութեան և բարի անուանի կողմից: Ներկայ առաջին տետրում դրականապէս վխտում են լեզւի և մանաւանդ կէտադրութեան սխալները, զեւ բողոքովին չը խօսած բուն տպագրական սխալների մասին, որոնք նոյնպէս աւելի են, քան ալք ներելի է մի գրքի համար:

Օրինակներ: Նրես 26. «ուրեմն փտումն, նեխումն, (աւելորդ ստորակէտ) մի տեսակ միկրոբների գործունէութեան հետեւեցներ են, (ստորակէտի տեղ ալստեղ պէտք է վերջակէտ լինէր) հոչակաւոր Պաստէօրը հաստատեց նմանապէս որ թթւումը ևս մի տեսակ միկրոբների ազդեցութեամբն է կատարւում, (ստորակէտից չետոյ ալստեղ պէտք է կրկնէր «ր խոսքը») չաքարը թթւելով՝ սպիրտի, ածխածնի և ալ մի քանի տեսակ նիւթերի է փոխւում, (աւելորդ ստորակէտ) և (ալստեղ նոյնպէս պէտք էր կրկնել որ) ալք գործունէութեան մէջ զեր են կատարւում saccharomices cerevisiae բուսականութեանը պատկանող մանր էակները»:

Նրես 27. «ալքպիսով կարելի է պարզել իւրաքանչիւր վարակիչ հիւանդութիւնների ընթացքի տարբերութիւնը»: Պարզ է որ պէտք է ասել՝ իւրաքանչիւր հիւանդութեան և ոչ իւրաքանչիւր հիւանդութիւնների:

Նոյն երես. «դառնանք ալժմ ալն պայմանների վերալ խօսելու, որոնք, (աւելորդ ստորակէտ) կարողանում են խսւացնել և ալն:

Կամ երես 40. «եթէ սննակի պատերը, լուսամուտները, (պէտք է

լինէր ստորակէտ) զոնները լուսալի կերպով լաւ փակւած չեն (ալստեղ պէտք էր զնեւ ստորակէտ) ի հարկէ, որ ծծմբաթթւատը և ալլէ:

Կամ երես 41. «Կարորեան թթւատի դէղինֆեկցիական լատկութիւններ յաւսին գիտնականները, (աւելորդ ստորակէտ) տարբեր կարծիքներ են լաւտնում»:

Կամ երես 42. «Խլորացիներ միկրորաջինջ և գարշահոտութիւն անհետացնող միջոց է, (պէտք է լինէր վերջակէտ) դորա ջրախառնուրդները ալլ և ալլ անուններով ճախւում են» և ալլէ:

Կամ երես 16. «...չը նախելով որ միևնույն տեսակ վարակիչ հիւանդութիւնները տարածւած էին լինում միաժամանակ երկրագնդիս դանադան տարբեր (ալդ երկու խօսքերից մէկն ու մէկը աւելորդ է) պայմաններով տեղերում»:

Կամ ալսպիսի նախադասութիւն, երես 50. «Մարդկանց ալս տեսակ անընդունակութիւնը (ալսինքն շատերի անընդունակութիւնը քութէչով հիւանդանալու) բացատրւում է նրանով, երբ միևնույն ընտանիքի մէջ մի քանիսները վարակւում են, իսկ միւսները ոչ, չը նախելով որ ամենքն էլ միևնույն թոյնի ազդեցութեան են ենթարկւած և ոչ մէկը նրանցից նախապատասխանողական միջոցներ գործ չէ դրած»:

Սակայն դրանով ես ամենին չը հասկացալ, թէ ինչով է բացատրւում քութէչով հիւանդանալու անընդունակութիւնը շատերի կողմից:

Ահա ալսպիսի և դոցա նման լեզուի, մտքի, կէտագրութեան, տպագրական սխալները, որ ամեն քաղափոխում հանդիպում ենք, շատ փնտաւար կարող են դառնալ մանաւանդ մի ալսպիսի հրատարակութեան համար, որը նշանակւած է ամեն վարգացած ընտանիքի գրադարանում տեղ բռնելու և որի գլխաւոր արժանիքներից մէկը պէտք է լինի անշուշտ՝ մտքի արտալայտութեան գիտնական ճշգրտութիւնը՝ միացած լեզուի դիւրամատչելիութեան հետ:

Ի բաց առած գրքի ալդ պակասութիւնը, որոնցից, ի հարկ է, շատ հեշտ է խոյս տալ լաջորդ տետրակներում, առհասարակ պատմելու եղանակը պարզ է և հասկանալի:

Այս առաջին տետրակը պարունակում է իւր մէջ, բացի լառաջաբանից, հետեւեալ հատւածները՝ միկրոբներ, նախապատասխանողական միջոցներ, կարմրախտներ, ալն է՝ քութէչ, կարմրուկ, կեղծ կարմրուկ, ծաղիկ, ծաղիկի պատուաստումը, ջրծաղիկ, կարմիր քամի, բժաւոր տիֆ, Գիճն է 70 կոպէկ, որ, ի նկատի առած գրքի մեծ ծաւալը, չափաւոր է:

Մի նկատողութիւն ևս: Գրքի ամեն մի հատւածի բովանդակութիւնը, բացի հատւածի ճակատին դնելուց, շատ նպատակաւարմար կը լինէր պատմելու ժամանակ կրկնել: Ալդ շատ կը հետացնէր գրքից օգուտ քաղելը մանաւանդ հիւանդանոցների կողմից: